

*Herimannus Cancellarius vice Wecelonis Archicancellarii recognovit. Data Calend. Januarii ab Incarnatione Domini MLXXXVI Indictione VIII anno autem Domni Heinrici Imperatoris *ind. VIII, regni quidem XXXI imperii antem II. actum Wormatia feliciter Amen.*

est.

Erpo interim Monasteriensis Episcopus, magno religionis studio sacra sibi sumpsit instauranda in sua diœcesi. Quam in rem Collegio Sanctimonialium Virginum Freckenhorstensium certa jura & privilegia donavit. Extant hac super re tabulæ apud Bochorstium. Subscripsere tabulis magno numero primùm Clerici, deinde Milites, postremū Ministri ejus Ecclesiæ, quas ipse hoc primo ordinationis suæ anno Mimigardevordiæ consignavit. Actametsi Mimirgardevordensem Episcopum se scribat ijs in literis, nomen tamen Monasteriensis Episcopi per id tempus invaluerat, uti ex auctore Apologiæ supra relato constat, à quo Monasteriensis Episcopus nominatur. Has autem Sanctimoniales Virgines ex instituto Canonicarum fuisse liquebit ex literis Erponis, quibus præter Abbatissam etiam Præpositam, Decanam, aliasque ex gradibus munerum nominat, cuiusmodi pleraque fuere Monasteria Virginum per Saxoniam.

Erpo præterea magna liberalitate Monasterium Virginum Transaquensem, quod ejusdem instituti in urbe Monasteriensi celebre erat, quodque anno 1071 totum cum templo deflagrārat, & in rudera prope confederat, instaurandum sumpsit, altariaque ignibus deformata, chorumque Virginum iterato consecravit; templum vero à se instauratum altero mox anno solemini ritu dedicatum est.

Annus Christi 1087.

Victoris III Pont. 2.

Henrici IV Regis 32. Imp. 4.

Henrici I Ep. Pad. 3.

Fractum superioris anni clade Victores Henricum Regem Oppenheimium ad colloquium ex concilio invitant, acturi de concordia. Id cùm eluderet Rex, denuo Calend. Augusti haud procul Spira ad conventum sollicitant, omne rursum obsequium offerendo, modo cum Ecclesia in gratiam redeat; quòd dicerent religione se prohiberi communicare cum Rege, qui anathematis vinculo teneatur. At nihil ab obfirmato Rege impetratum. Quapropter novo fœdere conspiratum in Regem, in quod & Ladislaus Ungariæ Rex secundum senatum dedit, obtulitque xx millia Orthodoxis in auxilium. His pactis, constituere octavum diem S. Michaëlis, quo prælio secum decernebatur. At Rex postquam Bohemos sibi junxerat, omissis Bojis & Suevis, in Saxoniam cum exercitu irruit; cui Hermannus Rex, qui hunc

K kkk

annum